

1/25
8/11
320

孫靜齋

國學萃編

第十九期
順德溫肅署



第十九期

國學萃編

沈庚藻著



捐助社費 芳名 以收到先後為序凡允助而未交款者概不

陶璞青先生助洋拾元

孚璞孫先生助洋拾元

蔣閎翁先生助洋拾元

著滄吟社第四十七課題目

大雷漁父值課

詩題 追悼戴岑永三君子詩 不拘體韻首數

戴名宗嘗殉於威海衛岑名德固在漢臯殉母永名麟以上直言疏後

絕粒而死此皆晚近節烈可以風勵世俗者想為 同社諸公所樂於

揮毫以詠也

詩錄題 雷 張子房 分詠體

限十月十五日截卷外省展限半月卷送萃編社童君補蕪代收

潘蘭史徵君到京廣告 本社總編輯員沈君太侔近因別有撰著不克分



心特聘請潘蘭史徵君來京主持選政自二十期後換刊各種新書能令閱者耳目一新並有徵君所著羅浮遊記在山泉詩話按期刊出特此奉告 海內名流欲與徵君通訊可逕寄本社也 國學萃編社啓

出售 潘徵君說劍堂集 廣告 潘老蘭所著說劍堂詩文集刊行已久並非

賣品本社特備紙墨託印三十部帶京除為同社購去外僅存數部每部六本售大洋一元又潘夫人飛素閣遺集每册售大洋叁角書存無多欲售從速 本社謹啓

寄售竹簾詞廣告 詞為秦郵王少愚所著王君逝後遺稿散失其友朱君

謹貽搜得詞稿一册特為刊印行世每本售大洋叁角書存本社

凡本社自印各種書籍以及寄售各書均已刊有價目表欲購者必須將書價付清如係空函概不作答特並聲明尚祈 鑒諒

思賢尙友箋出售 此箋現已印出 用潔白洋紙印者每盒一錢六分 用中國潔白棉料紙印者每盒三錢

也于是舉余所勞苦辛勤而僅得之者與之語終日不厭有疑焉輒以問問焉而有會於心輒循而行之日見其進而未已也一日急念其親之老辭余而歸其將寬以歲月尋求今余所得古人之緒言以漸至於聖賢之域與然則今之學者如譚子蓋未易得也余既嘉其志又念其歸不獲久與之處無以佐余不逮也于是為文以贈之

送夏位三赴舉序 楊仲興

歲壬午七月既望夏生位三將應賓興之舉請曰願聞制勝之略余曰子能探天根遊月窟神周沕穆言垂不朽乎曰未能子能遐瞻博覽揮霍馳騁卓然自成一家言乎曰能子能隨俗趨時雷同苟得以獵一時之聲譽乎曰不為也非不能也弟子事先生有年矣敢辱門牆以負厥初噫韓子教人自為夏生之謂歟憶庚辰春余權守豫章於新建得夏生廷儀于南昌得姚生亮萬生廷芮于奉新得羅生佩蘭皆雋才每至豫章二三子必趨予極道義文

章之契今年夏生來瑞州署問難朝夕更得起予之助焉爾時東軒大雪夏生慨慷爲七言長歌託物寄興詭翔蔚躍岸然有韓蘇氣其制藝則屏絕塵壙豎骨力于比偶間識者以嘉魚金子駿許之若嫉正聲之違俗悅好音之適耳鏤金錯彩輕歌妍弄以博世好吾知夏生自具偉抱必不中道回車也夏生勉旃并質之姚萬兩生以爲然否

去襄陵後答王菴友書

朱次琦

菴友先生閣下歲月易得違侍遂已一年予子行路間以兵荒箋訊遂希同此邦域輒已如是異時東海南海津涉萬里其爲契闊可勝道耶比奉五月十六日惠書勞問甚厚益用惶媿又省知動靜多豫且浩然決引身之舉甚慰甚慰昔人所謂其出也若雲其處也介於石恢恢乎自我拙信與道園方者也瞻佩無任僕去夏反自襄陵卽以不才自棄申請往復歲盡乃獲給咨而江楚兩路均已不可行矣中間曾肅手書具述歸里後當仿溫公蜀公故

事僭爲閣下譏傳以貽學者並陳屬草雌槐瘦賦僕遊寡韻尙須潤飾今承督促則知此簡未達籤櫛不審何處洪喬竟爾沈置奈何平陽陷沒公私塗炭其爲酷毒如何可言方春衙觀風日正繁冠纓之徒魚鱗雜集太守留髡送客接杯舉觴竹肉紛流譚諧間作白日旣匿繼以脂燭當斯之時都市如故也士女如故也春容愉夷昌豐潤澤何圖數日之間陵谷遷貿府主寅僚盡焉頓盡甚可痛哉以此忽忽恍若有亡加以宿食東西車不絕軛鞭轡稍休頗欲修理故業而憂從中來停簡輟毫感舊傷懷漼然流灘誠不復能措意文字間矣近雖栖尋舊宇譬如池魚籠鳥時有山藪江湖之思設秋後內地仍不可通決意道津門航海歸矣幼安危坐巢父掉歌古之人有行之者丈人聞此必謂生好勇過矣過矣哂之耶悲之耶大箸釋例補正益復精博無餘憾說文句讀刻成幸更覓便惠致世難方殷靡知所底項領之歎詩雅以嗟然竊惟自古泯莽之會元黃戈馬之秋天命民彝必不可以一朝絕不

絕則宜有所寄寄斯鉅者宜在脩學好古之儒秦氏以遣如伏勝申公許鄭
二劉熊安生之倫是也閣下勉旃自愛而已頃何以爲娛頗復有所造述不
僕既不作河東之行無緣復詣大治悠悠之別道阻且長知復何時更得一
面能重奉舉比開吾觚殫不南望於邑辭不叙心六月廿有八日琦再拜

答徐次功書

件來承惠教函驚聞賢郎紅蘭委露行道傷心弟緬邈關河有疏奉慰悚仄
何如捧誦明示謂旣已視事不得不忍痛辦公大哉斯言令人欽服無地方
今天步屯邇時艱孔棘政使居父母之憂猶當墨纒視戎金革無避豈况兒
女之私劉越石不爲一兄富鄭公未嘗哭女純臣之誼烈士之胸與閣下而
三矣區區跳梁竟釀作門庭之寇時事如此可勝憤歎然韓侯嶺爲省城第
一重厄塞得閣下守之正如老羆臥道太原自可恃以無恐昔傅修期上馬
擊賊下馬作露布自言年六十九張柬之年七十舉賢良便建擊天之勳少

陵云男兒功名遂亦在大老時閣下勉之矣閣下辦理防堵軍資器械一一
齋備往後更可源源接濟日來想籌畫有緒小醜未必能來萬一其來則我
以逸待勞以主待客以險待夷以精銳待疲乏彼直來送死而已

北行抵清遠縣與季弟宜城書


五弟無恙征劬旣邁遽逾十晨願言之懷昔人所喟愛而不見如何如何吾
弟內娛護背外隆德聲雖曾與齧指而動操召南樵山而振稱絜其勤勞無
以喻之也歸束裝後待友佛山鎮兩日迺得成行舟師謳棹汎若鳧鷖游子
寄音眇望魚雁是夜宵半衝風驟激瀾波彌厲元雲靄空夙夕不解雨雪告
零先集爲霰曙發盧包之汎莫宿黃巢之磯嚴霜隕而葭菼淒元冥深而若
英晏鼈頸之灘迷茫乎津逮龜手之藥歎惻乎水工行路之難諗我端倪矣
家累凡百弟克當之回睨舊鄉心魂慰藉惟吾弟續昏一事軫結未忘上有
黃髮罷勞晨夜下有雛稚喚咻啼笑茲事之亟豈煩顧縷顧鄉士是諮亦云

省便而此邦之人內教弛壞習錮既久庸計門戶宛宛處子或有季蘭之好悠悠靡俗恐入齊咻之教天下多美何必是求權輿弗戒後懷焉集行子過計是用懷懷風水蹇逆行郵途淹以今二十七日到清遠縣兄弟健好餐飯猶昔兼多徒侶解誨憂虞誥誠家人勿我爲念從茲渡嶺浮泚西下楚歌干些湘波萬重背湖涉江釋舟趣陸更復馬首斷雲千里隨夢雁足飛雪崇朝灑襟七聖皆迷之野惘惘而驅車耦耕不輟之鄉栖栖而問道山川合沓息景何時靜言思之百憂集矣夫人情迹接則多忘景逝則恒憶歲華不居游燕未極往時家術羣從如龍齋居盤盤言笑晏晏東方未明已對牀相語西柄之揭猶露坐未眠論難紛起聲與百舌競變觴詠橫飛酒微一斗亦醉魏文有言當此之時忽不自知其樂也絲今以思曠若星漢儼諸形容尙繪心目每當落帆江濤擁衾無寐清角朝厲游鴻夜吟我懷云勞不可說也自惟寡薄豈辦任官此行邀福或叨一第思遂兩歸寄迹丙舍將吾叔仲長奉板

輿對鵲占門徙魚築宅陸蠡之屋不聞乎東西何點之山路分乎大小時及霜露言羅雞豚祀先之餘兼以速客雖甑生塵而日晏風吹籜而歲寒而風詩教睦取鹿食之相呼金石歌商結鶉衣而不恥明明如月長照其素風溫溫恭人永垂爲家注閉門養親至於沒齒雖三公上袞百城南面何以易此哉其許我乎非敢望也有問訊者達此復言音塵未積風雲逾闊家食餘閑幸勸光采勞人草草筆不抒心

抵山西寄兄弟書

隱石三兄宜城五弟鈔得鄉錄知吾弟疆臺又躡垂翅秋風怊悵如何也雖然君子藏器於身俟時而動艱貞之志有待而行究亦無所容心耳嚮者次琦罷縣廿年曾無一日之戚吾弟所親見也匪曰冲襟獨遠亦見夫天下事苟非我所能自主憂焉無益亦即任之而已昨九月十五日在漢鎮上車擬取道汴梁卒亦不果蓋次琦之繞行之休也亦以睽違函丈垂近十年且江



编码错误

甫公在晉日久可以慰調恩門可以諮請地方所急耳而世俗遂以爲持之有故竊從旁相稱促在臨湘時夏憩亭太守迎謂曰君到汴梁甚好貴師木君先生與新晉撫季公同鄉同年素稱契密首府郭公亦潘公同年也得潘公爲君先容賢於十部從事矣泊過湖北訪謁官楚同鄉諸公議論與夏太守無異或且羨師門得力嘖嘖稱歎者有之昔晉人欲加禮於王丞相馮懷以問顏含含不答退而有憂色家人問之曰吾聞伐國不問仁人曩者馮祖思問佞於我我豈有遺行與 茲之事次琦不敢薄今人也惟愧省身克己根氣淺薄使別嫌明微之操未能卒白於天下皆次琦之罪也君子立身行事當昭昭如日月之明離離若星辰之行微特較然不欺其志而已安能墮波靡犯笑侮招逆億以察察之躬爲當世所指目耶且卽不敢自作身分而世既未能免俗一概以相量矣將或枋柄在手又安能昌言正色直己而直人耶十一月初三日恭領部照十八日到省廿三日稟到日下晉省人員冗

寒候補知縣積至八十餘員

內卽用班亦多至十五員未補連次琦在內

彼中人僉謂捐遇缺者

多故各班俱壓捐指省者衆故候補日繁積壓甚卽補缺難候補多故署事亦不易大約署事總要年餘兩年補官則三四年不等然祇據目下情形而論將來捐輸花樣無窮卽亦不能懸斷也并州之域少煥多寒舟楫不通物產騰貴需次其間器服薪水之資芻馬僕賃之費一切皆大不易易總之君父之身旣不敢自屏寬閑偷安於昕夕平生之學又不敢苟圖微幸自隳其廉隅去留久暫之間必稍需時日乃能自擇此際政難臆決耳有訊予者爲我謝之一官萬里嵯峨太行身遠目窮白雲何處家食餘閑幸勗光采已酉十二月十四日次琦頓首

答明同年書

珠江別袖握手無溫鱗羽旣沈義望遂積願言之懷古人所喟愛而不見如何如何接二月廿四日書知與南邨璞軒硯農共賦北征羣雄振羽各吐鏗

鏘前唱歸仁後賡賀世快慰何如也足下外振國華內嚴庭誥展采錯事正
在此時興滅之云良所未喻碧海四丈及愛之棠邨兩公就官有期暫作六
月之息原不爲過我家小阮往爲波臣所窘驚魂未定假歸殆亦人情社中
諸君子鄉書輒復報罷玉三獻而遭刑博十擲而得隼才不偶遇足堪於邑
然得南邨璞軒爲吾黨吐氣駟負則歷趨蟲鳴則蠡躍鬱鬱久居諸君子當
不其然獨君族次卿濫隨運往竟弱一個敕目將除潛舟遽悼悲夫悲夫無
祿至此乎去秋聞耗爲位以哭中間惘惘愴焉彌月自惟寡薄百不稱遂平
生愉懌乃在人倫歛去交親裴徊歧路曷日曷月孤債獨居繾綣良辰則停
觴靡樂倦言夙契則采葛憂吟猶復遘閔人琴慟傷哀樂知己之言在耳泣
瓊之淚盈懷他日逝水知歸會言近止過斛斯之居聆山陽之笛朋酒滿目
獨闕斯人能不憤結喉衿惻剝肝肺也哉僕留滯晉陽抗塵走俗準之道素
彌益慚顏此地人員積薪之故足下應具知之仍歲勞忉家兄晚亭在都自

皆詢悉選人恒患每在憂貧歷相九州此邦爲甚僕往者家食屢空鄰於殆
庶今云釋褐代匱合於囊編東坡云獨有羈旅人天窮無所逃僕之謂矣出
接人事車馬如龍言笑掀騰飄發雲會宛其入室無與爲驢鑿火蕭然便同
蘭若涼風振園秋蟲鳴階聊復循除咄咄自語參橫斗仄匏瓜在天飄然不
覺遠道之增歎繁憂之易入也雖然晉國亦仕國也君子之難仕伊古已然
何況今日莊生謂知其無可奈何而安之若命况其實有命者耶安之而已
足下得意留都看花多暇時復賜裁牋問敷衽論心或嗜慕賢愚或銜衡難
俗旁及政術兼詳文藝藉以藻暢襟靈獨祛首疾於萬里之外獲一隅之益
亦索居之一快也榮鬱既久芬響自殊洗光咸池擢秀蓬閭亦其理也諸君
勉之矣欲言千萬臨筆翳如報謁起居心源何極

樓學齋文鈔卷四終

之屠牛錯采鏤金似輸之刻鳳學者積習至此一滄夢戀觚稜旆旋京國因
設皋比於廷太守家庭繞芝蘭門盈桃李其陶淑一如在肅甯時蓋屏去聲
色之緣則思媻於一篤信文字之樂則道充於中世味不深天真不整吾以
爲子澄之壽在是矣抑更有進者子澄之纂箸壽諸世卽福蔭壽及家尊盡
默赫特勒氏恭人綱直表躬婉嫵爲性嫺周詩以宣陰律熟班誠以秉姆儀
人第見其乾綱遠播鼎門大啓而未知子澄幼學之沈酣劇於嗜炙唯樂妻
截機實相勸焉齊家之儉約甚至澣服唯桓君提甕實相成焉且君纏其琴
瑟則如鄭媛弋雁之靜好焉君絜其蘋蘩則有季女芼魚之誠恪焉加以座
客常盈爲拔釵而貰酒窮檐得飮因分漿以抹飢媿媿善下抑抑流謙所以
竈媪知恩廚娘銜惠婢鮮泥中之訴妾無閭外之專擅銘築之才孀憐左女
賦采芼之什化媿周姬正家斯吉在福則冲然則臬廉借隱冀野躬耕逸矣
而非所以律高門曼桃入詠鄴菊製銘華矣而非所以揚盛軌今日者游崇

文之坊署履道之里白傅尚齒之會伉儷自嘉黃人捧日之年承平快睹懽騰膝下笑聽雛鳳書聲樂奏房中妙準姜夔瑟譜聘老之靈株滋蔭鮑姑之仙艾蒸香褚裒四時之氣得春夏尤多胥餘五福之疇能康甯最好松茂柏悅為曼齡耕祉之徵慧耀弧明壯北顧東瀛之色慶雲方爛於一庭 湛露正濃於 九陛樂府叶雙聲之律自應曲奏唐山康侯邀三接之榮定卜恩承禹甸恩綬年殊慘綠愧末座之陪賓詞近妃黃仿仙謠而獻頌腰遂當場心香介嘏則是序也固猶夫層臺聳閣僅屬初桃要亦知金母木公操為左券云爾

勞紹潭 文琦 明府五十壽序

霍邱朱點衣 葆齋

紹潭邑侯之慶五旬也月屆秀蓼篆權古蓼葵光向日幸天氣之清和棠蔭成陰荷仁人之培植問小民所願借寇君一年而逝 時將去霍 開介壽先聲正韓氏五箴之歲點衣適居梓里與酌松卮因祝嘏而屬文為歌功之實錄恭維

賢侯瀟湘華胄嶽麓世家汾陽勳門簪笏鶴立燕山教澤科第蟬聯公既翹翔乎大雅之林沈酣於載籍之府謂秋風春雨行將老其雄才而黃綬銅章當急試其利器於是學尹何之製錦為毛義之娛親鳧舄高飛牛刀小用初行蜀道履險如夷繼調皖江自南而北 由蜀調皖最後 歷禹貢梁州之域文翁之興學何奇平廬陽淝水之波包老之盟心可證 宰合肥時 宰治計六七州縣勤慎踰二十年華舉凡賦性之慈祥居官之廉潔勸莠安良之舉興利除弊之條亦已衆口流傳豐碑紀載點衣竊以非所居之地要皆為可略之言因思公之甫蒞霍邱也百事如治絲而益棼四境皆窮民而無告奔走之役久假虎威巽懦之夫罕脫犴獄公則下車詢訪逐案平反西門豹人不能欺陳良翰情無弗得愚夫愚婦驚官宰之神明民脂民膏防吏胥之朘削三月大治必三年而已遲一路皆歡任一家而獨哭斯則張釋之治獄從無冤民巫馬期之任勞亦成善政者矣維時各郡縣通行新政始建學堂吾輩以

經費之維艱致規模之甚陋公通懷漸就簡決計圖新知大厦之落成非由一木爲下民之表率不吝多金由是感發雲從輪勝兩集因利而利舊其勿仍以公濟公他山可借章亥量地般僦執斤越六月而告成容百人而非陰則有高樓傑閣藏圖書儀器之珍奇園藪苑林習虎健熊羆之步伐神宗三舍安定兩齋因材而施無美不備姓字列金花之榜得親爾室之芝蘭入署內程途分玉筍之班盡屬公門之桃李且夫作事宜善於謀始而遠慮新可以無憂無米之炊終當懸釜有源之水始克負舟公迺總貨寶之藏設官錢之局賢如少伯以居積而見稱富豈鄧通非經營其奚濟從此生生不已源源而來爲根深柢固之謀教先用養收碩學通才之效力可從心此尤公之激遺澤於無涯留去思於靡既者也其他至城之所不能猝感與夫非種之所不能盡耨者則有虎冠肆豪雀角速訟鄉里盜牛之賊街衢走狗之民公皆繫之囹圄待其愧悔如子產之惠民而濟猛如武侯之治蜀而用嚴麟

遊鳳翽之朝虺蛇自遠化日光天之寓翹翹潛消由是庭可張羅案無留牘對中天之明月心鏡空空作一路之福星口碑嘖嘖其憂勤不可及其逸樂有自來矣彼夫新進趨趨老儒固執一行作吏百里無才學道未許愛人儒林何關循吏拘文牽義難爭刀筆之權顧後瞻前盡失鋒芒之銳便聞石破徐徐不驚但保瓦全比比皆是公則言無宿諾政自我爲一事得情輒逢人而說項萬言脫口喜對客而揮毫枚少孺之才華飛書可用谷子雲之筆札當世知名用能百廢皆興萬端並理此豈三思之文子一蹴能幾不學之霍光同日而語者哉公以陶荊州之顯秩龔渤海之升階本直隸州自西自東捧檄而去一官一邑降格相從焚趙抃之香無慚清夜飲蘇章之酒不顧私恩冰澈一壺風清兩袖是宜效陶令衡宇裴潛胡牀晏大夫之一裘顏先生之當肉爲子孫計浮華甯裕後之圖博大吏歡樸質亦投時之器然而時方從仕何貧窶之堪憂人是有司乃出納之無吝宓子堂上儀仗鮮明言偃室

中菁英菁萃玻璃四照明窗與淨几爭光金石千秋東壁共西園鬪富玉漏
 注鄒崇之水晶簾避元規之塵半七之餐亦羅精饌四時之服詎惡錦衣綠
 內顧而無憂故外觀之有耀與民同樂肯虛歲月百年隨遇而安藉養靈臺
 一點所以天君常泰真體內充人有元精類東方之年少事無叢脞謝伯玉
 之知非神光以磨鍊而愈明體質以勤勞而益固旋看仁恭夢驗不負服官
 就令安石家居無庸扶杖蓋得天獨厚固無所謂始衰受福無疆已兆之於
 初度也已點衣謬叨青眼與證素心正龙吠之不驚迺驪歌之忽唱大名不
 朽曾磨礪而特書小住為佳亦攀轅之餘想喜見蒼松翠栢鶴算頻添聊借
 白叟黃童混觥競獻惟願竿頭日進蔗境有加商瞿之餘慶方來彭祖之大
 齡無極如山如阜如岡如陵如川至以莫不增曰艾曰耆曰老曰髦日期頤
 自今伊始年年初夏幸兆民猶在春臺皎皎長庚照一世皆成壽域

吳雲亭六十壽序

朱實發

詩羣卷五

番禺沈宗畸太侔輯錄

馮煦

字夢華江蘇金壇人光緒丙戌進士官安徽巡撫

次米忌日作

君沒今二年逍遙竟何之陰雲黯虛堂獨坐凄心脾側身望墟墓宿草何離
 離慨然思而母孤寄淮南陞貧家不得養忍痛與母辭去年復北征見母慘
 以悽歲暮多冰霜一一仰母慈不以我遠疏愛之如平時呼我入君室步步
 皆涕洟圖書亂無次尺寸埋塵埃不忍更檢點念是君所披強起承母歡濁
 酒奉一卮憂來易為醉慙恍君在帷奉帷不見君始覺中腸悲收子已九齡
 不識書與詩事我有如父我乃棄若遺母也勤顧復精神不知疲渾噩亦天
 則願君陰相師俯仰一無補死友將何為撫膺極愧憤有淚不敢垂
 送少符歸廣陵時有婦喪
 收淚出門身世微親朋零落竟安歸羈孤失婦千憂集窮薄因人百事非不

寐定知情忽相逢強爲話依依炎風熱日江城路我獨凄然與子違
八月十六日病中寄兄妹

殘燈黯黯夜窗虛回首南天一絮歎六月音書猶未達半年眠食復何如空
江積雨憂寒潦薄病窮愁夢散廬兩地傷心苦迢遞獨隨歸雁下荒墟
和研孫登稜陵城之作

荒烟衰草晚蕭蕭倦客登臨恨未消寒蝠虛檐吹雨暗饑鷹廢壘挾霜驕九
秋敗葉辭枯樹百戰孤城咽暮潮剩有戍樓舊鴉影更銜殘照送南朝
是夕更悼次米

之子不可作三年空復秋建康有哀雁薄病此淹留落月半牀冷高梧一徑
幽當時歌嘯地東望不勝愁

久不得滋泉消息卻寄

峭帆去後柳成絲早又霜欺病葉天北雁未歸書未至絲絲離恨付空烟

秋盡同贛湘夜飲賦此示之並柬漱泉

相逢意氣莫摧殘秋盡江湖雁影單老屋疏燈霜力緊暗潮孤艇雨聲酸百
年有酒難爲醉九月無衣漸覺寒更向城南望城北何時共飽腐儒殮
將之建康與妹別並寄仲兄吳中

冷雨淒淒夜欲闌荒雞破夢太無端百年易盡何堪別十日相逢竟未歡衰
帽單車殘驛暗孤篷短燭暮潮寒只今兩地同羈旅莫更歸雲獨自看
句容晚望寄兄妹

陰陰灌木泣飢鴉野火孤青晚未銷三嶺東從句曲合百流西向建康朝荒
城斜日寒將暝壞屋嚴風勁欲搖爲語故園莫相憶疲驢破帽正飄蕭
除夕寄仲兄

陳迹依稀似昔年 前俯仰重凄然四方漂泊歸無地百里艱難怨各天故
國書遲勢遠望空齋酒盡得高眠吳霜莫更催愁鬢一夕離心並可憐

林壽圖

字穎叔福建閩縣人道光乙巳進士官陝西布政使司布政使著有黃鶴山人詩鈔

秋夜風雨讀張亨甫寄同王子壽柏心漢泉酬唱詩感成三十韻

大雅久淪落余懷屬杳冥江湖秋易老風雨夜難聽曠遠望山海蕭閒獨晦
暝雲霄欲超忽今古幾精靈世變橫江潦年時混渭涇登場具冠冕畫壁唱
優伶傳鉢無真諦元關已困烏鵲鵲饗鐘鼓麟鳳遁郊坰不有扶輪手應遭
獻璞刑張王工樂府枚馬合明廷漢水流孤艇嚴灘接客星雲連衡嶽白山
斷武昌青意向排空濶篇成見典型關河鬱存想吳楚各飄零似爾身仍賤
前賢日未暝謫仙甘死醉漁父誤謀醒稍慰聯韓孟非同避尹邢引針投舊
芥磨劍發新劓書就逢迴雁光遙逐聚螢披圖惜騷裏解佩憶娉婷此夕低
天漢微波夢洞庭打門紛落葉遠漲極滄溟蓬華安恆况津梁向素經男兒
寬作達客子賴居停一昔扁舟別三餘六籍釘輕拋虛牝日兀守草元亭何
太頹唐甚全消駝麟形猶思鵬奮翼自愛鶴梳翎吾輩關騷教羣公讓鼎銘

乾坤信逆旅去住總浮萍

明景帝廢陵

白虎鑿斷金山坡重湖裂帛漸寒波紅羊劫火燒不盡朔風捲地吹蓬科頽
垣斷瓦竄蒼鼠敗荆廢棘埋銅駝七年天子慘如此雍門躑躅哀音多徽欽
北狩車可鑿誰遣奄豎持太阿統幕潰師應象緯齊晉燕趙俱橫戈三關千
里望烽堠黃沙白骨高嵯峨倉皇定策比靈武錢塘一老雄番番獨力籌兵
復籌餉但有議戰無議和伯紀在宋敵可卻公孫謀鄭功難磨敕書未往翠
華返金甌補缺還山河歲時朝謁禮宜備車駕胡不延安過南宮西內變倉
卒敢信輔國心無他建儲甫定易儲起惜哉謀國徒姦嫻曹臧吳札去古遠
奪門之悔空嗟蹉英皇復辟昧刑賞元勳誅僂傷偏頗南遷者誰罪可斬竟
冠側注鳴朝珂京房占法幸偶中戾園同謚理則那廢居王邸生已忽殉葬
安用煩宮娥革除年號愧汗簡列宗二祖陰搗詞殘碑盡滅蝕苔蘚枯松慘

城鳴技柯昌平望氣亦不王萬年燈火深煙蘿前朝遺恨付宿莽行人淚盡
金叵羅城隍土地君莫歌兩帝兩帝今如何

謝周叔雲編脩送酒

春來怪無佳食寐渴坐茗椀日爲祟葡萄不許換涼州空望告身謀一醉太
史家無千米奴相濡相餉如遊魚投贈清江醞玉餅夢聞寒泉鳴竹渠看子
用心蕭灑處風標古屬高陽徒百花正作小兒浴昨朝萬斛那博佳人娛城
南夜深五尺雪車若曳蛇僕跛鼈閉門蟬螻貫手厄乃是銀燭光弗滅此時
爆竹響溼薪想子饜蠶將上舌艱難生計尙奮鹽沈酣經腴若麴糵我不能
斗酒酬百篇亦不願卻杯學逃禪但求賢聖皆可口便抵燕簡餐神仙
响叔謂余詩效山谷體賦答

蟹胥苦薄羊腔原無鹽轉妍王媵醜斯文嗜好亦有然強別衆星自名斗不
知大澤混鵬鰕詔摹古鼎辨蚪蚪徒蒙虎皮噉龍鱗類陳麪牛獻芻狗誠如

施壽伯弔僧忠親王詩

僧忠親王戰功勇略爲近百年來蒙古王公之冠曹州之役追賊過急奮不
顧身大星遂隕齊東岷庶哭聲震野蓋精誠壯氣所以感人者深也施壽伯
通雅堂詩有詠僧王戰歿七律四首云環海驚傳柱石傾當年抗表起專征
先朝鐵券河山誓絕塞託裘子弟兵憤氣欲吞銅馬賊憂端更繫石頭城
揚鏹淮北王威赫已壓將軍向寵名 岌岌津門泊火輪鼉鼉登岸海揚塵
我朝仁義爲戈櫓天上將軍若鬼神告 廟武功期蕩寇班師 聖意在柔
人劇憐轉旆南征日猶梗和戎向 北辰 大綱沿江密布成南來諸路約
連營一軍灞上如兒戲十面淮陰枉伏兵誰料當場圍困獸坐看衝浪脫長
鯨汾陽勳業高青史難得臨淮並世生 憤憤南陽小挫師馬蹏鐵熱電光
馳 九重詔下憂方切疊旨救王追賊毋過急百戰身輕事本危征戍漢廷邊患在艱
難周室中興時懸知秦岱星沈後猶拓天戈奮指麾

袁爽秋題傳笏圖詩

翁弢夫前輩斌孫藏有傳笏圖故自號笏齋係令祖文勤公同書所得有長歌紀其緣起袁爽秋太常於甲午年題詩云鄭公縱橫家亦涉盤盂書崎嶇困委摯慷慨服鹽車低徊忍隱歷事久不遇晚遇龍姿日表灑落開衣袖官家真氣洞戶牖良臣再拜陳忠諫百三十事鈎元提要書之笏善敗一一工爬梳王海引中興書目鄭公諫錄五卷笏令剝泐蛇蚶似手踪猶留公揭藥流傳廿有二甲午執凡九字時文貞年五十有五歲在甲午先是由秘監官侍中歷數至明年正復值甲午也彷彿侍宴丹霄初開成舍人常進御魏晉進笏事通鑑纂撫部寶藏弄貞珉斷句後先出光氣不得終埋淤題詩神物志呵護翁文勤觀宜具服再拜予諷少直遺規據杆上銳首象忠譽豐本厚下根深鋤版頭

白筆注記便仗下紫囊鑿錯儲蒼皮緞殿古松裂篆刻冲勁壇圭如大和孫追貞觀迹寶此十襲皮精盧嗚呼隋氏改玉天步徙真人御斑明堂裏啖醋誰如羊鼻公捐金猶遜黃鷄子古來成名關遇合投水沃石因時爾君不見中丞忠鯁無回撓急 敕防江副節使將軍不喜陳湯諫持節還仗章叔筆苦戰傷亡鼓猶振飢軍激厲甲未弛焚旗夜照紙鳶飛碎堞朝看木驢毀兩矢還披北海書雲積俄壓東城壘定遠當漢東城地請室旋書牘背辭精襟不洗盡頭恥從容榮市 詔更生銜結玉門行萬里花鳥池邊赤綠羣賀蘭山下槍幡起銜鬚再拜戀 君恩手握笏囊耿猶視嗚呼孔道輔以笏擊虵段太尉以笏擊虵法物既非微流傳良有以孤臣終邀易名典此笏屢兆門闢喜惠政猶留召域祠前徽足繼曾棠美兩世華光直 請筵文孫今又石渠仙愧予未得南林侍樸直江湖茶匪堅徒逐風塵持手版幾時繕寫述懷篇千年龜鑑猶堪續一日臨歌思黯然

陳鶴仙擬老杜詠懷古蹟 蜀中懷古 澆花草堂懷古八十韻

陳子隣大令 天錫 蜀中名下士久困場屋光緒甲午始捷鄉闈以議知縣分發陝西候補樊雲門前輩任陝藩時賞其能詩頗加青眼命攝石泉縣事余與大令不相識嘗聞傅沅叔提學增湘言其學博而行粹頃由大令之子 名良 郵寄鶴仙詩鈔一册 大令一字鶴仙 乞選入四朝詩史余讀之歎其寢饋韓杜至

深且篤大令所為自序有云饜風虐雪不廢吟哦海濼山陬常携筆硯童僕哇其匿笑妻孥厭其迂闊又云行年四十猶親制舉之文作宦三年未諳服官之學雖復愛之成癖豈能餐之而飽然而君子安貧精神必有所寄詩人餘事窮達任其所遭尋舊夢於文章聽膠鳴之風雨觀以上所言可以知其梗概矣

子隣大令集中有擬老杜詠懷古蹟五首傳誦一時其名句如西南旅食孤臣老烽火餘生百感橫紫臺人去陰山遠巫峽魂歸蜀道難少日功名期管

樂老來氣魄動星辰均極似少陵又有蜀都懷古二首其一云風烟萬里動高秋莽莽乾坤歲月迢望帝啼鵲新蜀國公孫躍馬古梁州英雄割據資天險關塞蕭條蕩客愁我欲濡毫銘劍閣覆車無或重貽憂其二云松柏森森此闕宮昔年章武事功崇龍扶眞帝三分鼎虎視中原蓋代雄壞土不因興廢改馨香猶覺主臣同劇憐東漢延禧後直到偏安局始終其三云工部詩篇萬古沈臯夔誰識此胸襟棄餘身世思賢主亂後關河入苦吟數載飢驅孤客淚萬言憂憤老臣心武侯相業公文藻我佩雙忠一樣深三詩均沈雄跌宕蓋大令本係蜀人且又潛研杜集故造詣純邃若此又有浣花草堂懷古五言長律一百韻刊入川南校士錄中浣花一生學行心事靡不包括沅叔嘗稱誦之今集中節爲八十韻並見精核詩云詩史今安在千秋一草堂勝流類嘯詠遺跡數趨蹌錦水環襟抱蓉城背面藏遙連石筍里近接碧雞坊畫棟依林薄雕梁界野塘宜春圍錦繡消暑過簷簷杞梓山苔潤棕櫚石

蘇蒼插籬惟穉竹夾岸是垂楊葉覆巢鶯穩枝撐啣雀忙堰深沈鯉池暖
宿鴛鴦雁齒平如掌鷓鴣啼怨斷腸稠華亂原隰密蕊帶汗潢蘭露春衫膩荷
風蠟展香紅窓開坐席綠蔓引長廊錦檻牽歌袖霞軒解佩璫放懷憑弔古
清淚欲沾衰志大推騏驥才高吐鳳凰青齋孤客寓白水舊家鄉獻賦逢知
已參軍感聖王干戈俄獨集擊鼓到漁陽巨寇驅龍馭微官走鳳翔暫分梁
漢米旋裹華州糧御殿思鸚鵡柴門畏虎狼負薪行不采梠自踉蹌江晚
飢鷗迫山昏凍繭防蓬頭兒索飯槁面女梳妝饑饉秦關阻飄飄隴坂長棧
雲迎縹緲蜀樹望微茫釜底游魚窟人間逐鹿場擣衣征戍苦歸燕旅懷傷
弟妹知何處親朋各一方天寒騎病馬日暮檢空囊同谷辭庚舍成都卜午
莊相公初鎮蜀司馬幸依王種橙揚雄宅誅茅宋玉牆有堂欣負郭對客喜
承筐覓果携鋤往移松解帶量朱櫻何處送綠橘未堪嘗錦竹章明府蹊花
黃四娘秋霜借賽社春雨看分秧泥飲逢田父邀歡坐野航估帆隨返照漁

網胃疏篁小隊元戎耀幽居野老強籬邊新簇馬柳下競傳觴駐節開三益
酬詩韻八瓊夔臯原自許衡泌頓增光海甸時多難勛臣去未遑門途肆蜂
蠆車轍怨螿螂全蜀無休日先生早出疆妻兒同泛梗梓閬滄桑縱掠花
驚定橫行段子璋元兇初授首天使再占祥蓮幕軍謀預魚緝國政商鷄鶴
森懷烈旆旆遠飛揚雲擁柴門迥波涵草閣涼故園重汎掃小徑足徜徉竹
刺應須斬藤稍恨未戕河南猶虎踞薊北痛鴟張豈見朝廷改終然將帥良
懷才憂太息聞報喜非常醉舞徐卿席癡登節使牀放歌凌宇宙縱酒詠滄
浪意氣真豪宕胸襟自激昂欲扶斜日影忽隕大星芒避地如疣贅依人笑
客狂烏蠻山絕塞赤甲水東讓阻險餘生每浮家數載將旅魂飄漢岳帆影
滯荆襄牛炙誣難辨猪肝累詎妨葛寒岷十暑 急楚三霜忠義心常切君
親飯不忘窺人有魍魅憎命是文章此地留鴻爪伊誰足雁行薦龜飲藻芷
開卷盪穢蓄建筆齊梁掃雄篇沈宋僵謫仙輪協律韓筆尙傍徨大集超前

古奇才邁有唐直同元氣結肯與劫灰亡遺像清風穆崇祠片月黃餘芬流不盡溪水日湯湯

陳子麟大令戊申雜詩十二首

黃公度今別離臺灣行送留學生回國諸作真能融冶新舊學與近世詩豪以無道行之者有雅鄭之判余論詩極推崇人境廬而友朋貽函多加駁難有謂詩詞一道宜純用舊學組織不特新名詞因須掃淨卽新思想亦不可撥入者所見亦太偏矣近見陳子麟大令天錫集中戊申雜詩十二首均論學堂工藝警察開擴銀幣諸新政之利弊絕無粗獷之氣堆垛之詞其雄傑奔放雖較人境廬略遜而自是必得之作爰錄之 皇帝乙巳歲八月初四日煌煌 天語傳科舉自茲畢設學做殷周兼采列邦術禮失求諸野異書紛碎几窓軒燦輝光牆壁塗丹漆靡做萬黃金不辭民力屈講師立高座學子盡造膝覲文窮地紀徵理探星窟蕩蕩鯨海波一朝誓剪滅我聞喜無量

三山菴外題石

欸欸下高嶺迴旋石逕長蒼苔新宿雨紅葉助斜陽老近步猶健秋深風漸涼兒曹盡詩癖隨處共徜徉

靈光寺題壁留別翠微山

欲去戀紅葉欲留思菊花去留兩多情臨風空歎嗟不如折紅葉策蹇遄歸家持插菊籬閒丹黃互交加山靈休錯笑脂粉忘煙霞

季春之望遊西山和公玉韻

煙霞真有癖行樂忘艱辛忍負春如海欣逢月滿輪鶯花嫌老病山水愛閒人莫說來遊易登臨亦夙因

訪黃再同偶成

厭聽繁華事城中新徙居養鵝聊當鶴賃屋爲藏書有志當如此無能孰似余做廬喜相近走訪不須車

聯句

池泉留雨聲天晴響不絕偶幽靜清心神陰森悚毛髮
白林疎天影補石破
苔紋結美新涼助秋風晴嵐增斜日偶橡落使魚驚
花開得禪悅白寒蟬曳
殘聲野竹抽長節美詩成莫浪題茗熟聊小息偶

雨中又登南嶺靜室

冒雨登南山行行雨漸歇憑高試一望山迴風逾烈俯見滿澗花仰見滿山雪

冷家莊東寺題壁用去秋韻

昨朝好雨捲東風頃刻雲開日在空僧院苔青門不掩海棠已破二分紅

之西山途中口占

秋深出西郭迢遞望禪關霜後換新樹雲中忘舊山好遊愁老近多病幸身閒賴有同懷客孱顏不憚攀

冷家莊早起

曉起出禪宮負手聊閒步朝日照疎林殘霜變清露風寒搖落早病葉不滿樹紅黃紛在地愛惜時避路炊煙起誰家徐上林深處

田盤

田盤如瘦人骨節皆露外山靈戲遊人有意弄奇態徑無十步直石有萬種怪燕薊饒名山屈指此為最

登嶠巽峯題壁

峰頭兩開如門東壁刊天門開三大字右署北海劉應節下有白猿洞為此山至難登處有大石側立鑿坎數口僅容踵之半下臨絕壁行者須解屨或以繩繩俗呼為八步險

門開崖出頭破裂天張口危磴無人攀古洞有仙守巖鼓徑側懸樹突峯中
剖仰視石觸頰側行壁磨肘騰身作揉升折腰學蛇走杖斷縋以帶足滑行
用手八步度良艱一墜生何有卓哉北海劉與山同不朽

自來峯題壁

獨立萬山巔登高天地寬眼中空九塞足下小三盤赤日逼人大白雲埋寺
寒醉來題石壁嵐翠繞毫端

夢醒偶成

夢中見青山彷彿曾遊處驚醒不開眸恐放奇峯去

自張夏冒雨赴泰安一路山景劇佳午晴過墊台題壁

晴山見真形兩山見變態陰雲互吞吐幻象恣奇怪峯高偶露頭嶺曲時隱
背斜風吹細雨漫山走煙氣林開出孤村崖分見半寺朝陽漏遠峯一片蒸
晴翠跋涉何艱難泥滑復石碎路險景更幽身勞心倍快傍午始早餐一杯
聊自醉前途足瞻矚咫尺近泰岱

天游一覽臺題壁

孤臺高絕與天鄰乘興登臨眼界新一石蟠空擎古觀萬峯昂首看遊人巖
巒奇詭蹲獅象洞壑幽深隱鬼神不到茲峰覽全局武夷面目識難真

雪後同芷亭子嘉子美淨業湖酒家樓上作

不知湖月上水影上高樓靜夜聞來雁寒沙有宿鷗波明橋似斷岸遠屋如
浮不負韶光好連朝作勝遊

上巳後十日攜二兒富貴白石橋閒步用去年上巳口占韻

過橋尋舊徑河畔有人家村落帶疏柳亭臺雜亂花芳田隨水曲粉壁逐山
斜小憩呼兒伴空林鳥不譁

山中卽景

暮色四圍合峯巒漸杳冥殘春寒闌煖薄酒醉如醒月上花逾白煙生山更
青泉聲在深澗入夜尙泠泠

口占

風靜荒庭月色寒空階躑躅散裘單繞牆枯樹參差立聊作梅花未放看

西山卽景與伯從集詩牌

閒遊任行坐無處不春光一水高峯護數家深谷藏山雲溼芳草花氣煖斜陽遠望重重隔紅桃雜白棠

淨業湖酒樓同芷亭及兒輩飲酒

高樓醉倚任喧譁一曲湖隄帶草斜日轉柳陰明暗水風分蓮葉露藏花詩儔半老難常聚酒債微償尙強賒迴首舊山青在望幾時陶令可移家

冷家莊

山村四面花花多人家少山靜不逢人滿樹曉春鳥日暮山雲深山氣寒如曉

西山雜詩

汝明與步崖皆從我學詩豈惟詩當學學遊亦有師遊山亦有道自古人罕知但擇名勝遊耳遊良可囓有村山不幽無樹峰乃奇名山似名士畫餅難療飢看山眼須冷愛山心須癡人遊我亦遊所得真景稀

偶成贈芷亭

貧賤良可憂富貴亦足畏從古多才人功名每易志惟君知我深惟君愛我至勸戒勿嫌顏相規莫相棄

杜家廟旅舍題壁

山如天壽千重碧水比桑乾一色黃回首燕雲九百里緣何山水似家鄉

同文仲恭遊靈光寺感舊兼懷小癡上人用韓昌黎山石韻

良儔召我躋翠微靈光寺山名翠微出闔西眺遊興飛西山雨渥草木長雲嵐滂灑

峰巒肥驅車州里抵古寺老僧不見徒侶稀舊山再到足感觸禪房靜憩忘劬飢虎峰喜見故人至寺西有虎頭山獨立不去當窗扉亭臺依舊半殘破山池水

淺荷香霏廿年往事一轉首人生白髮松長圍嗟嗟主人杳何在風塵昏暗汚縑衣山林囹圄接咫尺禪心解脫名心躡七旬年華萬里路垂老遠別何時歸

題靈光寺

壯志豪情一律刪怡然終日總歡顏攀巖自謝身猶健照水方知髮已斑世
上難沾常醉酒人生能得幾年閒邇來儘享無官福四月之中四入山

寄懷張香濤

登高西望路蒼茫千里雲山隔太行處事輸君真慎密不才如我太疏狂家
貧愛菊仍多買身弱看書最健忘莫道年華未衰老病餘雙鬢又添霜

擬杜

兵車頃刻變衣裳天下紛紛賴一匡戰本危機端已啟和原美事患難防已
無餘地軍仍退曠有虛名國未亡迴首周京四千載幾回白雉貢炎方

立春

坐對辛盤意黯然吟情又入早春天詩人漫說春光好一度春來老一年

廣化寺山坡靜室題壁

文者爲楊叶鞏縣尉書者爲劉鈞

唐故奉議郎行京兆府涇陽縣主簿王府君墓誌銘跋

碑云公諱郊字文秀曾祖同皎駙馬都尉琅耶文烈公贈太子少保祖絳駙
馬都尉琅耶懿公贈太子太傅父訓里授光祿卿娶嗣紀王鐵誠之季女按
唐書忠義傳同皎歷封尚主與碑合神龍間謀殺武三思死於都亭驛睿宗
卽位復其官爵新書云諡曰忠壯據碑則諡文烈贈太子少保及絳之諡懿
贈太子太傅史皆不書又云子潛字宏志而無訓之名皆足補史之闕紀王
鐵誠舊唐書紀王慎傳中興初封慎少子鐵誠爲嗣紀王後改名澄新書作
澄而世系表仍作澄云嗣紀王定州刺史慎第十子也碑又云夫人則秘書
監贈揚州大都督嗣澤王德長女潤之姊也唐書高宗第九子義陽生德嗣
澤王守光祿少卿其爲秘書監贈揚州大都督史皆無文碑爲德之子嗣澤
王潤撰其署銜恩王府司馬亦不見於史王同皎傳稱同皎相州安陽人其

先由琅琊遷河北然則此碑所云琅琊臨沂人亦舉其郡望耳

唐裴氏子墓誌銘跋

碑云有唐故侍御史裴公諱琚知京北饋餉時夏州連帥韓全義以王命討淮夷不尅歸鎮德宗期孟明於異日釋而不問疑懼之甚而意端公焉遂有青蠅之間貞元十七年竟貶崖州澄邁縣尉至廿年十一月終於南海按裴琚不見於史史稱全義專以巧佞財賄結中貴人得節鉞貞元十五年爲蔡州行營招討使十五年五月遇賊於潞水南軍大潰退保五樓保潞水縣保陳州跡其戰陳有退無進會吳少誠知王師無能爲致書幣於全義監軍求昭洗朝廷許之十七年全義自陳州班師中人掩其敗迹上待之如初裴琚時知京北饋餉必有發全義之敗挫或全義歸罪于餉運不繼遂譖而去之也子承章亦未見他籍

唐故博陵崔氏夫人歸祔李府君墳所誌文跋

右誌李紳撰以紳所撰兄奉禮府君墓誌考之則知李府君者名繼紳之兄也崔氏紳之嫂奉禮誌有云先兄有文學下有字不仁又絕其嗣謂崔氏也又云可恨者崔嫂以信丁巫不護靈旒誌後一行則云博陵不義不順不奔不護明神有知終不得祔紳之怨崔至矣此誌則崔卒而祔於兄之文其曰夫人無嗣與前誌略同至云夫人柔淑謙順之德詳於府君先誌豈所謂不義不順不奔不護者爲德乎抑既往不咎禮經所謂無失其爲親耶誌云夫人博陵崔氏祖璉父緯世系表南祖崔氏重子緯此清河房非博陵房其非夫人之父可知誌又云崔李裴三氏皆絕胤豈天乎不知皆陰隲耳蓋微詞也崔終於大和甲寅越州觀察使官舍蓋卒於紳所唐書紳傳大和中李德裕當國擢紳浙東觀察使開成初鄭覃以紳爲河南尹遷宣武節度使誌作於開成戊午銜署宣武軍節度使與史合奉禮誌云以元和口年卒常州無錫縣寓居又云至十口年七月歸奉於長安白鹿原據此誌終於庚寅祔於丙

申則知缺者乃五年十一年二字

唐李仍叔四歲女墓誌銘跋

四歲女誌墓金石所僅見也文爲仍叔自撰新表仍叔字周美初名章甫官宗正卿系出蜀王房後爲渤海王宗正卿棊子碑首書渤海王五代孫與史合銜署陳許濛蔡判官監察御史裏行末題元和十三年戊戌七月癸未朔廿七日己酉以長歷考之皆合按仍叔新舊書皆無傳其見於新公主傳者會昌三年詔宗正卿李仍叔告景陵見於舊李逢吉傳者謂寶歷初曾官水部郎中見於舊文宗紀者大和八年詔宗正卿李仍叔啓告修寒十二月以宗正卿李仍叔爲湖南觀察使見於白氏文集者有李仍叔可右補闕制又裴令公召太子賓客李仍叔等合宴舟中詩見於郎官石柱題名者倉部郎中有李仍叔至前定錄謂仍叔元和五年崔樞下及第則距撰志時纔八載故名位猶不甚顯其爲陳許濛蔡判官監察御史裏行皆可補史氏之闕

唐宮闈令西門珍墓誌銘跋

碑首題大唐故朝議郎行宮闈令充威遠軍監軍上柱國賜紫金魚袋西門大夫墓誌銘從姪鄉貢進士元佐撰文趙之謙補訪碑錄不細審乃著爲王元佐而又以從姪爲疑實則誤士字爲王也唐書職官志宮闈局令從七品朝議郎 品官大而職小故曰行誌有云建中四年王室多故涇源叛卒晝入犯門鑿輿西巡又云除內府局丞充鳳翔隴右節度監軍判官考建中四年宋泚叛是年鳳翔後營將李楚琳殺其節度張鑑自稱留後珍之以內府局丞爲鳳翔監軍即監楚琳之軍也誌又云翠華更幸聚洋節使楚琳果有疑貳公每於衙府輒肆直言攷唐書李楚琳無傳琳碑作林陸贄傳云時鳳翔節度李楚琳殺張鑑得位雖屢貢奉議者頗言其挾兩端宣公集有請撫循李楚琳狀論替換李楚琳狀反覆言李琳之不可遽討一則奉天之圍頗亦有助一則褒斜之遺僅通王命於當日措置之宜明白曉切碑乃歸功

於珍云國家靡辨隴之憂州縣免誅夷之弊微公不及此無乃慎乎碑又云興元元年除洪府判官隨先鋒兵馬使伊慎下安黃等州伊慎唐書有傳始事路嗣恭爲先鋒後事曹王臯天子在梁州斬口賊將杜少誠退江浦慎斬之進圍安州禽李希烈之甥劉戒虛安州降以功爲刺史拜安黃節度事與史合碑又云其年季秋貞元元年改充豪壽觀察監軍判官尋除張建封尙書爲徐泗節度詔公獨監送上攷唐書建封傳帝還自梁建封進御史大夫濠壽廬觀察使則珍爲監軍判官時已依建封至建封節度徐泗則貞元四年也碑又云八年充劍南三川宣慰使其六月監淄青行營兵馬三千餘人戍於岐山西扞荒服唐書本紀是年四月吐蕃寇靈州六月寇連雲堡吐蕃傳云八年使涇原等節度合兵三萬以左右神策將軍胡堅張昌爲盟州行營節度明年以兼御史大夫紇干遂兼中丞杜彥光戍之珍之監淄青兵馬戍岐山當亦在合兵三萬之中正防吐蕃也碑又云十三年入奏上嘉其勳又上

以關東甲士遠從勞役悉令罷鎮却歸本管與吐蕃傳十二年寇慶州明年贊普死請修好朝廷云云合碑又云有子四人長曰季常次曰季平季華季擘皆以季字行按唐書曹確傳有神策中尉西門季元史稱其剛饒亦見杜陽雜編又宦者馬存亮傳唐世中人以忠謹稱者存亮西門季元嚴遵美三人而已然則季元當與季常輩爲族昆弟也又西門重遂見於楊復恭劉季述傳以謀誅李茂貞被殺西門匡範位神策右中尉見於田令孜傳北夢瑣言載鄭亞託其子畋於西門思恭劉崇望有授奚官局丞西門廷暉掖庭局丞制本紀貞元十四年鳳翔監軍西門去奢殺其將夏侯衍是西門氏終唐世爲中官多有可稱者然則珍之先修瑩兆碑所謂去健羨齊死生君子聞之僉曰知命者宜亦有焉是誌作於元和初至七年又監威遠軍唐會要威遠營隸羽林軍銘後上以公恪勤云云數行乃珍卒後續書

唐朝散大夫著作郎韋公立堂誌跋

碑云公諱端字正禮五代祖孝寬後周大司空鄭襄公高祖津隋民部尚書
曾祖琬皇成州刺史贈禮部尚書祖季弼大僕寺主簿烈考謙尚書庫部郎
中按自律以下史皆無傳周書孝寬傳孝寬有六子總壽壽津知名唐書宰
相世系表鄭公房成州刺史不言其贈禮部尚書琬季子季弼不著官位季
弼子廉考功員外郎廉子端不著官位則季弼之爲太僕寺主簿廉之爲庫
部郎中皆可補表之失書碑又云嗣子縝泊系練紆絢哀號于天又云縝工
部郎中系陽翟縣尉練鄉貢進士紆兼殿中侍御史絢前太廟齋郎而表於
端子止書縝紆二人端官歷率更寺主簿下邳縣王簿下邳陽翟二縣丞國
子監主簿淮夷平以縝官工部詔百辟父母存有顯擢沒有褒贈拜端朝散
大夫秘書省著作郎致仕是端實未嘗履著作任也碑又云太夫人太原王
氏曾祖諱子真皇襄州錄事參軍祖怡河南尹東都留守考毗昭應縣尉世
系表中山王氏忻子長子景次真葉縣令據碑則當作子真與兄名子景合

官此去意華見吾弟爲言兄健似當時等句匆匆十年粟碌如故負師期許
抱憾如何擬仿八哀詩例作州山吟寓高山仰止之思以志私感

鳳孫先生詩亦超絕白魚圻云架屋屢屢頂維舟溟濛隅亂帆爭曲港一塔
卓平湖愷佛神應勞艱難道益孤金釵當牲醴肯覺昔人謔辰龍關云辰龍
關在辰溪東雙崖齧齧蟠雙龍白雲到地無一尺青山截天有萬重采入潛
探虎豹窟陡上直躡飛猿蹤官郵架險開戶牖行人俯指炊烟濃送夏迪庭
告假歸云殿前折檻尙嶙峋欲挽滔滔又乞身百二河山秦得地五千甲
越無人論都計大閱宗祏抗疏衣高動縉紳見說曹羈三諫去不堪西望屬
車塵先生于宋詩極愛涪翁故此作雅潔峻拔似之督學湘中時余客其幕
評文之下卽與談詩唱和無已拙詩楚遊草二卷皆爲先生點竄餉益不少
以詩格論兄以古雅勝弟以純潔勝洵屬兩難不愧今之軾轍矣
吾邑詩人 國朝以王孝廉 大補 爲巨擘于征伊犁一集得山川之助如天

山行飛猿篇鴉飛不到山謠等作奇麗矯變律句有乾坤容蟻豔吾道自蛇
龍鬼方六月層層雪白日無輝上羸衣之語其後人爲梓白沙集詩文高一
尺許流播甚少今則原板且剝落不全矣天厄才人于既死而復妒之信歎
近時能詩者殷莘農李巽庵兩先生皆有遺集李詠懷云對酒忽不憚撫劍
登高樓朔風江上來木葉悽以秋鷲鳥厲重霄駿足隘九州安能久羈旅飄
泊隨沙鷗有贈云錦瑟華年悵別離江皋雨歇亂鶯嘯燕曉夢通城曲簫
管春風滿竹西俏影乍窺憐舞鶴芳心怪底感靈犀那知一入陳思賦伊闕
芝田路轉迷石牌晚泊云半角湖光一抹山帆檣來往泊津關殘營草長兵
戈後小市春寒暮雨間楊柳陰中尋路出枇杷花下踏歌還風流擬醉旗亭
酒大雅詩名未易攀殷賦春草云願傍瀛洲託種生羞隨凡卉共枯榮鋪英
好趁東風輒拾翠剛逢宿雨晴點綴文章歸大造軒旋氣運到羣英詞人每
憶江南好水郭山村綠意盈過桐城小關云高岡斷處界如溝負險雄關踞

上頭山勢西奔吞皖水地形東望控舒州懸崖隱約嵌僧寺夕照蒼茫剩戍
樓到此正逢天氣晚蕭蕭黃葉亂峯秋感懷云中年哀樂不勝情催得霜華
兩鬢生驚座空傳鸚鵡賦傷春怕聽鷓鴣聲升沉莫問前途事毀譽難憑沒
世名欲遣閒愁無別法吟詩常到夜三更皆具雅人深致李名釋官貳尹殷
名先拔癸酉優貢亦以廣文終殊可惜也廣文爲資臣內翰良弼之父資臣
宦京師與余共廬宇者二年詩才亦佳手錄其先人之詩屬余代選定特敬
錄之

霍邱裴伯謙大令景福宰南海獲遣羈番禺署中偶爲人書便面一絕句題
爲晚出小北門詩云牛棚鷄埭帶晚曛榕陰叢薄謝娥墳石橋行過三义路
東北青山是白雲點有者見此詩告某廉訪曰裴某方看管何得晚出小北
門乎廉訪愕然有人曰此舊作我早見之不必起詩獄也乃解伯謙詩筆整
秀以遣行新疆之作爲一卷名西征集流離顛沛中絕無憤激語自是宋荔

袁洪釋存一流人物紀其南海神廟與僧性如夜話憶江西劉勝之云萬山
紫翠接天流瀟灑乾坤一葉舟碧海桑田真且暮畫欄桂樹自春秋清尊明
月人千里老木荒庵僧白頭五嶺峯巉章水闊尺書無鴈寄南樓在繁聞子
規云春到已三月子規時一鳴身羈慳遠夢室暗微明斗酒涵今古繩牀
託死生艱貞吾志在不必勸歸耕嫁婦詞云遠嫁單于駝背裝琵琶聲出玉
關涼已成棄婦車前水又學新娘廚下湯螺黛強拈眉嫵闊羅衫重理淚痕
長入門欲稱姑嫜意炊米牽羅費校量夜度灞陵云虎氣縱橫滿碧山藍田
新月半弓彎自從犯夜將軍去醉尉三更不閉關過黑水沙漠至撫彝城云
卅六國中親往還荒唐舊說一時刪流沙穴地真成海弱水滔天欲撼山西
去關烏頭盡白東來宛馬汗皆殷倦游小睡崑崙頂應被羣仙笑我頑出嘉
峪關云長城高與白雲齊一躡危樓萬堞低鎖鑰九邊聯漠北丸泥四郡割
安西雪中苜蓿綠鷹鷂天上桃花紅馬蹏飛將神兵紛出塞 聖恩可

許到伊犁

長少白將軍奉
岑制軍再勅于晴

詔練兵時
改戌伊犁

安西道中云出關一唱白銅鞮塵色

飛騰錦障泥

戈壁新開秦郡縣輪臺久樹漢旌旗風和蓮井闌鶯語雪盡瓜

沙放馬蹏回首江南歌舞地浪游真舞甕天雞聞言路爲予白冤交粵督查

覆恭賦云臥箔春蠶困繭絲伏轍老馬畏驅馳棄捐團扇秋風後熨貼寒衣

夜雪時萬死何期邀

帝鑒一生差幸有天知飄零老大渾無用悵望中

原一淚垂其他警句如東閣梅花詩裏興西羌楊柳笛中聲黃梁富貴都轉

夢白草牛羊勅勒歌天圍漠野青常暗日照邊情白不明死遭黃祖翻爲福

生嫁烏孫更可哀龍堆月冷連沙白馬尾山多出塞青客子光陰秋鴈過孤

臣心事夜烏知偶來西極探鰲足重向南山捋虎鬚八月西風秋冽凜九邊

北斗夜光明龍蛇大陸塵中劫蛟螭新圖畫裏身冰雪千年埋地軸風雷一

夕下天山樓烏楊柳金閨怨天馬葡萄玉塞歌工力悉敵極似梅村甌北諸

家集中得意語以西域山川供詩人筆墨世人奄奄以身殉富貴者何限而

伯謙獨借西征以傳豈非幸哉

伯謙製下曲云回首長城路杳冥陽關一曲醉難醒月明瀚海冰如雪春盡陰山草不青自言此曲往復重疊長短讀之不增減一字可得十八變又關外有白銅鞮曲詞甚俚鄙伯謙仿之云駝刺駝刺攔沙蓋地甯礙車輪勿傷馬蹄馬蹄行不得可惜白銅鞮

西征集中有見潘伯庸藏司馬繡谷墨牡丹詩佳句云薰天富貴心猶黑傾國容華眼更青古黦黃少白瑞蓮亦咏黑牡丹佳句云俯看衆卉皆黔首笑指三公盡黑頭二句皆不黏不滯獨見大方

少白所著詩名韓隱廬詩鈔自序身世貧無立錐效韓伯休賣藥于街頭費長房懸壺于市上因以榜其廬舍性無他嗜惟詩而已紀其黃鶴樓懷古云天際烟雲擁畫樓荆門楚塞望中收梅花落盡江城笛芳草青連鷓鴣洲黃鶴久從三島去白雲猶爲一時留過江名士今何在
大別山頭土一邱吳城

鷓鴣多夢詞

姜夔詞



蘇幕遮

觀劇

翠翹偏銀燭冷隔著屏風悄露春風恨舞袖郎當身不定淚眼相思少個人
偷搵 繡裙垂檀板整小立傷心垂柳和烟困半面嬌羞佯不省一瞥秋波
好個驚鴻影

虞美人

彎娥不似從前蹙微響釵頭玉絲絲楊柳縮春心只恐郎來沒處試教尋
有誰更把相思訴夢也無憑據夢魂昨在柳梢頭且看夕陽盡處露紅樓

徵招

鄧尉西磧吳中梅花最盛處也新正初過孤萼方新纏綿病榻不能
往遊擁衾枯坐輒寫慢聲以寄遐感

芒鞋竹杖蒼然去僮儂與花無分妬爾放扁舟占一枝春信水邊憑指引怕

春到日斜風盡夢裏相思虎山橋畔那時芳訊
慵問薄遊歸苦磨月愁埋
半林金粉枉說抱琴來別無多燈暈畫圖儂好認肯忘却月明人近待傾耳
翠羽啾嘈怨雪窗眠穩

金縷曲

燈火元宵矣耐歡場回頭似夢碧天如洗簫鼓新年兒童事濃笑紅花凝紫
料一响鬢偏人醉暗地增憐儂孤負儘單牀細辨相思味消幾個月圓字
離心不合東君寄只頻添淒涼把酒念他憔悴禁暖禁寒儂知得今夜瓊樓
月底將息好愁中慵體陌上花開征人遠卷簾櫳莫更西風倚腸九轉轉轉
水

卜算子

丙辰四月自燕中歸止宿南沙河讀株陵硯芬女史題壁署年丙申
迄今歲籥已二十周矣蛛網半銷麝煤不滅一片傷心更從何時說

起也

酒態半消磨牆脚春愁露短夢

勿十二年心事離鴛苦

孤行一千里小膽偏粗遠別十二年

狂夫不諒女史題壁中句

何日是相逢柳色飄金縷叵耐東風卷作塵簌簌黃昏雨

洞仙歌

舟中望惠山偕楊見山

一螺雲髻倚船窗清看隔著溪橋雨中遠是真歸莫再孤負山靈明日好結
簾青鞋游伴待儂攜酒去白塔紅牆醉了偏忘借池館試味竹鱸茶呼取
重煎早撲下緇塵一半怪恁地無緣訂鷗盟蕩斤片斜陽翠蘋零亂

摸魚子

雁聲天外遠鷗語夢中尋此葉香士題余秋心圖句也丙辰五月自
冀州歸吳復將有都門之行乞顧子長作鷗夢圖以寄水鄉秋思并
寄香士天津

偃西風水鄉，燕亂絕無人處。偏麗蘭橈，載爾心魂，悄隔斷、越吳千里。儂去未
怕一片離情，又逐浮萍起。前游僂指，但揮淚黃墟，傷心盡閣。澹碧了無際。
征衫浣細，認緇塵點袂。鷗鷺盟向誰是天邊尺。五城南住，漲沒半江蘆葦。儂
去矣。租一箇疲驢，要解尋詩味。新愁滿紙，恰夢裏偷閒影中絮。別冷伴趁秋
霽。

菩薩蠻

星期怕說紅生頰，偃娘故故翻針帖。藕孔剖絲開，賺他蝴蝶來。羅衣涼到
骨，恰爲初三月。不到玉梅時，休描女字枝。
霞光歷亂桃花影，銅餅綆短仙源冷。葉底聽流鶯，一聲低一聲。燕支酣夢
醉瓊樹，迴環翠好與下晶簾。清歌昔昔鹽。
歡來新曲黃金縷，浪將歡語傳鸚鵡。摺起月華裙，幅中多畫雲。丁丁歌了
鳥鸞使，凌華杳金井。夜啼鴉半昏，青霄紗。

小三吾亭詞話卷五

如皋冒廣生鶴亭纂

閩縣林琴南學博，好喜譯歐西小說。其紀巴黎馬克遺事，萬口傳誦。嚴幼陵
詩所謂可憐一部茶花女，銷盡支那蕩子魂者也。願其爲文深得力於龍門

昌黎，震川世或不知知者，亦或不盡。

余與琴南在五城學校共朝夕者五年，知琴南真能治古文，桐城吳兼父亦引

爲同調三人者，嘗爲合象。陳石遺見之，詫曰：此海內三古文家也。兼父嘗曰：本爲書與琴南以會文，正古文四象屬琴南，與余校勘書未達而兼父旋沒。兼父歿後，其家人爲刻遺集。琴南又工填詞，有補柳詞一卷，邁陂塘云：倚

風前一襟幽恨，盈盈珠淚成瘦紅。癡點鴛鴦翅，苔榭月明交頸，魂半定。情
葯霧茶雲，強得春痕凝。紅宵夢醒甚，恨海波翻，愁臺路近，換却乍來景。樓
陰裏，長分紅幽翠屏，銷除當日情性。篆紋死後，依然活無奈，畫簾中梗。卿試
省碧潭水深，深曾蘸桃花影。商聲又警，正蘆葉飄蕭，秋魂一縷印上畫中鏡。
又云：蕩林光半湖，新水畫樓清曉微。兩雙鴉小，啄罌思動人，向嫩春林，豎襟
半舉，掃一片花痕，飲入癡心緒。湖陰片語看雲影，移釵苔香吹履，描出好眉

嬌 定情處何限愁根恨縷窺人偏少鷓鴣山容水態吟鞭遠剩得月中酸
楚誰見覩歌舞地天涯也有鴛鴦浦滄波逗汝竟小劫存鶯橫風聚燕兩兩
背花去齊天樂云玉顰香怨相逢地珊瑚盼伊嬌步葯鼎枯煙花廊碎月春
鎖愁鄉深處游絲萬縷甚裊到簾前欲抽還住語淡心釀綠房陰透夜來雨
銀波吹却浪蕊但蒼雲四捲沙際孤嶼墨濃鐫鵝丸嫩咽爭說因郎辛
苦餘生半黍竟畫裏拂舟帶珠還浦試看雕梁弄春雙燕羽燭影搖紅云情
海波翻情絲牽傍愁邊岸懨懨抱夢墜梨花夢帶梨花顛恨事填胸漸滿數
今生傷心未半寄懷何許畫裏鷓鴣波綠漪風善 天際書來書詞能做秋心
煖迴春繡影兀伶俜那值人兒伴畫艇重撐人懶哨金風聲斷雁日斜鐘
定草長簾深眼中人遠解語花云山支瘦碧樹著新丹相見年光旋暮寒侵
幔離魂影睡裏半雙虛棺屑櫻送煖綠窗掩暗香亂端正看依約衫痕柳
柳銀雲淺 花底驚魂仁遣竟私窺仙枕偷貢香翰蝶垂蜂蹇惜惜地爲甚

萬愁都鍵闌干半面容解道人來偷眼看翠瀾魚沫生時剛玉銷煙散小重
山云別墅萬柳絲朱樓斜日裡展朱扉玉簫聲向舞筵遲腰圍緊收窄羅
衣 春聚遠山眉重重挑不動個人癡去時追想乍來時空留得關外海雲
飛又云踐破門前一道苔入門聞笑語燕歸來玉簪花碎美人懷東風哨還
憶舊時栽 琴調幾分諧新情兜不住舊人猜一腔花氣展書纔爭知道花
底有人挨闕詞多尙豪邁琴南諸作殆絕似吾鄉王通叟冠柳詞也 冠柳詞
久佚

有輯
本

杭州惠興女士以身殉學天下悲之田伶際雲披其遺事排爲樂府座客有
歎歎泣下者琴南曾賦齊天樂云一襟天寶年間恨淒淒寄懷筍柱小部花
辰離宮雁候挑起深愁無數湖光正曙看供奉宸班按歌金縷水碧山明四
絃能作海青語 歌喉初轉變徵替貞娥訴怨何限淒楚地下冤忠人閻酸
淚黯到無情飛絮收場更苦演獨檣西冷翠陰庭戶數徧梨園吉光留片羽

翼日田伶得其詞設宴以謝

嘉道間家晴石茂才嘗畫水繪園圖李中書秦敦夫皆有題句圖後琴南爲余題一翦梅云山谷淡宕學娥粧道是瀟湘不是瀟湘畫船容與白蘋香花外斜陽水外斜陽垂楊猶裊冒家莊不畫雲娘偏畫雲郎水風策策又吹涼吹過池塘驚起鴛鴦

江陰金淮生同轉文武祥與先祖同官嶺南所著粟香五筆多記鄉邦文獻

及朋輩往還投贈之什嘗引李穆堂語謂拾人零篇斷句其功德等於掩骼

埋骼五十後棄官浪游吳越芒屨竹杖意翛如也丈於梧州重建漫泉亭

者幾徧天下文集刻其賦高陽臺云梓樹齊聲瓊花儷影是誰熨出雲根南

國春回幾番瘦了詩魂殷勤欲寄相思字怕重提紫果萍因祝東風好與歡來莫共愁生年來習氣消除盡便千回百轉底事干卿倦眼重揩暮教根觸瑤情覩他一掬珊瑚淚飄風流老去蘭成喚真真玉合鏡前記可分明齊

夫樂云竭來城市山林地依稀六朝煙水疊石縑雲分池浣月并作新秋涼翠蘭亭已矣問獅子滄浪較量誰似更築層樓峯巒四望極天際西園尙存舊址滄桑棋局換興廢如此巷訪烏衣渡尋挑葉勝蹟今看餘幾剩苔覓字有前度劉郎再來還記引我徘徊倚巖同一辭

史又嘗填浣溪紗題余話荔圖云山翠眉痕畫永嘉風流水繪豔才華圖成並蒂華生花 頰玉千顛繙蔡譜紅塵一騎說唐家撩人香夢到天涯

仁和徐花農閣學琪少孤露避難吾臬讀書水明樓下夢至一處清溪宛曲梅花萬樹浮嵐蒼翠若隱若見一縞衣麗人持玉佩贈之歌曰花如許花如許持此繫羅裳玉可比君溫潤句最玲瓏處琢愁腸風露滿身香遂名其居曰玉可庵因以自名其詞有玉可庵詞二卷綠意云韶光洩漏訝長亭翠繞彈指春又年去年來多病多愁腰支我亦同瘦柔條委地還無力正一縷芳情初逗莫便教攀作縷絲最是可憐時候 獨向河橋凝望故關煙水闊何

處回首爲問東風吹到西湖昔日青青存否梢頭淡月朦朧上已幾個黃昏
孤負料倚樓人在天涯應把黛眉雙皺滿庭芳云雨枕催愁風簾驚夢秋思
知落誰家屏山無語涼意入燈花休道銀河咫尺今依舊遠在天涯魂銷否
青衫易濕不待聽琵琶 悲笳何處起碧天吹裂雁落平沙便尺書同墮怎
到窗紗安得化爲明鏡來照取別後容華還防著爲儂消瘦髮懶堆鴉蘇幕
遮云燭初殘香嬾炷坐也無聊還是和衣睡睡又不成魂夢阻漏靜宵寒風
雨喧窻戶 風非風雨非雨觸著愁腸都是離人淚一夜瀟瀟聲不住明日
空庭花落無重數浣溪紗云矮屋牽蘿自補茅牒隴寒月上花梢屏山無語
又今宵 少小年華愁裏過春秋佳日客中拋誰家雙燕定新巢
花農玉可詞卷端有會稽李莼客侍御 慈銘 識語自言二十餘歲時喜賦綺
詞癸丑四月間嘗倚調長二十餘解多傷春怨別之語爾時越中士夫無言
此事者其詞久付劫灰尙記兩句云淡淡櫻臺偏做一家梅雨又滿庭芳落

博士弟子員兩應秋試不售遂絕意進取居家事母必敬必孝嘗語其婦曰
人生難報者罔極恩耳彼虛名烏足賺我哉然體弱甚乞食四方屢瀕於危
甲辰溺於江獲救得免乙巳丙午間兩困於疫賴其婦割股和藥得不死婦
某故富家女粗識字知大義食貧居賤怡如也以故伉儷甚敦君工詩善畫
尤僻愛古文字凡碑碣鐘鼎之類輒摩挲竟日非求得其精義不忍釋手其
勤學好古有足多者

覆舟紀事

洵盡英雄恨中流砥柱身大江成禍水天意愛詩人未死驚親友知心問鬼
神玉皇香案吏豈肯作波臣

送歐陽季香

他鄉携手落花時千里無心遇故知衣上相看遊子淚道旁猶見黨人碑才
如可殺甘爲鬼窮不能工悔學詩潦倒青衫幾知已琵琶門巷問蛾眉

摘句 世亂輕離別家貧薄死生見家書有感

白永修字澄泉山東平度州人先世富甲一郡至祖父家漸落及身益貧居宅故壯麗且擅園亭之勝歲久不能葺治日就荒頽所存數楹僅蔽風雨而澄泉日躑躅吟嘯於殘磚斷礎荒榛蔓草間初不以窮餓爲慮弱冠與其鄉中文士結社詩成驚老宿顧名場蹇滯四十餘始見知於汪柳門先生拔萃貢成均 廷試又不遇浮沉京師者數年詩名藉藉公卿間既而南轍淮揚北遊遼瀋詩境益奇肆而遇益窮今且皤然老矣倦遊歸里後曩昔居停或居顯要未嘗一通音問著有曠廬詩鈔二十卷沈著堅緻大抵師子美氏而五言古導源建安七言古復有退之矩矱近體則兼有空同大復之勝所謂一代作者澄泉當之庶幾無愧色歟

題陶徵君集

圓景出東海照我朱絲琴撫茲清夜興潛會幽士心其適亮在中外求非所

任游瀆冲虛間澹然發孤音瑤臺有青鳥靈蹤焉可尋

與友人論詩

元氣西京鄴下開衆中振起阮公才曲江正字皆流派莫信鍾譚諧得來韓碑足與退之衡况復西郊繼此征孰向騷壇執牛耳敦槃合奉玉溪生水中鹽味最爲奇俚鄙誰能擊壤師莫道儒宗無韻語請君三復考亭詩吳興才子趙主孫綽有齊聚矩矱存獨惜肉多風骨弱西臺書法好同論豪吟我愛遺山老開口談詩亦寡儔愧煞太虛淮海輩挽河難洗女郎羞

摘句

塞草衰時風送兩岸花白處水生雲樂陵鄭雲坪廣文江上招飲

金嗣芬字楚青號想靈江蘇江甯縣人光緒丙午優貢生弱冠善屬文通知時事甲辰時報出版論說多出其手有極東之第二俄羅斯論著一篇推論美人將於太平洋擴張勢力以實踐羅斯福太平洋主人翁之言洋洋萬言爲當世外交家所傳誦後又續論美國經營東方問題更論美日斷不免有

北太平洋上之競爭刊有單行本名美國經營東方政策以供外交家之研究而以餘力攻詩古文詞同時爲新會樂飲冰昭文孫師鄭諸暨蔣觀雲順德鄧秋枚皆稱許之著有寒靈脩館詩文存四卷寒靈脩館隨筆四卷金陵揮塵錄四卷尺牘二卷東湖消夏錄二卷均先後付梓行世

讀潭陽湘痕詞

登山奠汝一杯酒海水天風兩渺茫
絕湘痕詞一卷泣麟悲風託伴狂

丁未秋出都由武漢乘舟回金陵

寂寞魚龍夜江流尚不平
澄清那可待迢遞此長征
乍醒春明夢微聞南雁聲
故鄉應不遠五日計歸程

由甯郡發贛州道中

蕭蕭短髮頻搔首誰識江湖此日心
一雁孤飛聲寂寂萬山如睡夜沈沈
到心哀樂知多少過眼滄桑成古今
獨抱辛酸無可說故應歧路泣沾襟

作此是亦得遊戲文章三昧者至於事實貫串聲律妥帖渾然可愛自非才學該瞻豈能自成一家如此其卽事云世路山河險權門市井忙田家云雀語嘉賓笑蟬鳴織婦忙贈釋子云有營非了義無事乃真筌送別云世界多煩惱人生足別離又云寂寞憐吾道淹留見俗情晦日云百年莫惜千迴醉三月惟殘一日春春望云楊王盧駱真何者許史金張安在哉寄口達云舉世盡從愁裏老何人肯向死前休秋郊厲日云不堪回首還回首未合白頭今日頭其偶對精絕多此類東坡所謂信手拈得俱天成者亞卿有焉丁卯予臥榻圍屏四幅皆著色畫大曲故事公餘稍憩各戲題一絕句胡渭州云相如游倦弄琴心簾下文君便賞音犢鼻當年卜偕老不妨終有白頭吟新水云徐郎生別一酸辛破鏡還將淚粉勻縱使三年不言笑祗應學得息夫人薄媚云深知歲不利西行鄭六其如誓死生異類猶能保終始秦樓風月卻無情水調歌頭云牆頭容易許平生繩斷方悲覆水瓶子滿芳枝亂紅盡

東君不管儘飄零丙辰予晝寢夢到故山幅巾藜杖盤桓于柳溪之上既寤予意謂造物者責以漏盡鐘鳴夜行不休故神報如此作詩以頌云嘗聞勞生佚以老不謂區區老更忙自笑頑軀體青紫誰求絕足鑑驢黃苦無長策裨神主大有閑山著漫郎夢到故鄉猶可喜幾時真箇是還鄉丁巳次胡底千戶寨宿溫迪罕司獄家胡底漢語山也以其寨居山下故以爲名路旁有野花狀如金蓮而差小其葉瑣細大率如魚藻土人謂之耐凍青生於祁寒撥雪而見之已青青然予携以歸置之坐上終日相對傷其背時失地爲賦一詩耐凍雖微物嚴冬不敢侵蕊嫌官額淺色勝羽衣深戲點人間鐵閉鋪地上金臘梅甘丈行霜菊許朋簪風雪窺天巧泥沙惜陸沈分無春借力徒有歲寒心採掇香盈把歔歔淚滿襟栽移損生理汝勿念知音戊午次南謀懶千戶寨南謀懶滿語嶺也以其近分水嶺故取名焉借宿於朮勃輦家屋壁有兩橫幅畫江天風雪水鴨鴻鵠相對於枯荷折葦間其鴻鵠水禽毛羽

毫髮可數似有生意乃命拂去塵埃上有繩頭細字髣髴可見云前翰林賜緡待詔劉邊七十七歲寫生既稱前翰林待詔是必宣政間人因本朝混一之後流落於漢北時所作也予且觀且歎爲賦一詩云枯荷不禁風水鴨行且飲折葦半欽雪鴻鵠相對寢風雪意未已寒氣猶懷懷屋煤昏細字熟觀僅可審翰林前待詔年過七十稔想見宣政間紆朱給官廩權門收短幅軸玉囊古錦縱非列神上猶足入能品丹青雖由學精絕固天稟蛟螭失江湖魚鮪初不淪蘭蓀遭踐履生意羨葵荏當年方得志驕侈無乃甚晚爲口腹累吮墨博凡鉅畫工屹如堵見此當歛衽我欲與題跋材非曹與沈興廢故置之投床就高枕己未次松瓦千戶寨松瓦者城也寨近高麗舊城故名之是日山行始見水碓予躊躇良久且歎其機巧而傷其大朴之散也作詩以紀其事云世人多機心技巧變淳古水碓誰始有石白而木杵決流注其尾尾抑首自辱其法如權衡輕重兩仰俯浮沈刻漏箭動息記里鼓木牛轉獨

粟探弓殢貌虎碾確出一律枯樺何足數我昔居村落升斗給爨釜晨吹課
婢僕繭足辭艱苦是時此未識自笑愚且魯細思乃詭道抱甕應不取文公
巧者傳信矣無浪語食焉忘其事殃禍嘗因覩耕鋤瀝汗血猶水旱風雨况
爾飽無功天意恐不與庚申宿特撥合寨特撥合漸地也晚登小山山南杏
數株方蓓蕾矣忽憶舊年京洛聞才元宵後時有賣花聲今春將盡方得見
此爲賦三絕句云柳色含煙凍已迴杏花迎日暖如開須知造化無南北更
遠春風也到來杏梢如怯曉寒輕相對無言卻有情憶得上都春睡足隔墻
時聽賣花聲朔漠杏花初破蕾南州梅子已垂枝寒鄉倍費生成力但得陽
和莫恨遲辛酉宿關羅寨渤海高氏家關羅漢語煖泉也以山間流水一股
經冬不冰故以是名寨予方解衣盤礴忽聞簷間燕語亟視之蓋自春山行
未見也因念燕以炎涼兒女之計不免羈栖于萬里之外可嗟也有詩云平
生便靜今衰老黃雀傍簷嫌噪忽聞燕語絕可憐亟出披衣任顛倒危南